



Šerif Špago
zastupnik

Broj:
Sarajevo, 03.10.2025. godine

PARLAMENTARNA SKUPŠTINA BOSNE I HERCEGOVINE
SARAJEVO
03-10-2025
PRIMLJENO
Klasifikaciona oznaka
Redni broj
Broj priloga
01-50-1-2119/25

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
g-din Marinko Čavara, predsjedavajući

Na osnovu člana 166. i 170. Poslovnika o radu Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22 i 59/23, 87/23, 50/24 i 73/24, postavljam sljedeće

POSLANIČKO PITANJE (u pisanoj formi)

Poštovani;

Na osnovu saznanja sa terena, raste zabrinutost građana Stoca zbog informacija o velikom broju kineskih državljana- radnika na gradilištu na lokalitetu Komanje brdo. Prema dostupnim podacima samo mali broj kineskih radnika ima uredne radne dozvole i D vize za angažman na izgradnji solarne elektrane, koja je najveća te vrste u Bosni i Hercegovini. Međutim, izvori s terena ukazuju na prisustvo oko 150 radnika, a najave govore da se uskoro očekuje dolazak dodatnih na desetine kineskih državljana. Postoje osnovane sumnje da većina radnika boravi i radi nezakonito. Posebnu zabrinutost izaziva slučaj kineskog radnika koji je tragično stradao 20. juna 2025. godine na gradilištu na Komanju brdu. Istraga Tužilaštva HNK/Ž još uvijek nije dala jasne odgovore o okolnostima smrti, a nije poznato ni gdje je tijelo preminulog sahranjeno. Utvrđeno je da je u BiH ušao kao turista, bez radne dozvole. Građani Stoca smatraju neodgovornim i nelogičnim tvrdnje da na površini od 147 hektara najveće solarne elektrane u zemlji radi svega 13 ljudi.

Imajući u vidu sve navedeno tražim od Ministarstva sigurnosti Bosne i Hercegovine da putem nadležnih državnih institucija zaduženih za kontrolu ulaska stranaca, za izdavanje dozvola za boravak i rad utvrdi tačan broj i status stranih radnika na gradilištu Komanje brdo- Grad Stolac i poduzme odgovarajuće mjere protiv odgovornih za eventualno kršenje zakona Bosne i Hercegovine, te da mi se u poslovničkom roku dostavi odgovor da li su navedene informacije tačne i šta je poduzeto od strane nadležnih državnih organa.

Pitanje postavljam Ministarstvu sigurnosti Bosne i Hercegovine .

S poštovanjem,

Zastupnik

Šerif Špago